

# Powšitkowne WOZJEWJENJA

njedźelu, 27. měrca 2011

## Póstny seminar w Smochćicach

Třeći a zdobom posledni póstny seminar w Domje biskopa Bena w Smochćicach pod hłownej temu „Ekumena. Wčera – džensa – jutře.“ budže pónđzelu, 28. měrca. Biskopja Joachim Bohl, Joachim Reinelt z Drježdźan a Friedrich Waas z Ochranowa wupraja so k temje „Ekumena jutře: Zhromadnje sonić“. K zakónčenju póstnych seminarow předstaji so sobotu, 2. apryla, w ewangelskej wosadnicy w Budyšinje film. Seminar a film započnjetej so w 19.30 hodź. Mjez sobuzarjadowarjemi seminara je Towarstwo Cyrila a Metoda z.t. Wšitcy su wutrobnje přeprošeni.

## Přednošk wo depresiji

We wobłuku zhromadźizny člonow Charity přednošuje dr. Friedemann Ficker, dołholětny šeflěkar chorownje swjateje Marije w Drježdźanach, wutoru, 29. měrca, w 16.30 hodź. k temje „Depresije – ludowa chorosc čisło 2“. Wšitcy, kotrychž tema zajimuje, su wutrobnje přeprošeni na žurlu swjateje Hilžbjety Kamjenskeje fary, Bernhardowy puć 6.

## Hudźbny nyšpor w Marijinej Hwězdze

Kruh přečelow klóštra Marijineje Hwězdy přeprošuje njedźelu, 3. apryla, w 16.30 hodź. na póstne rozmyslowanje z hudźbu do klóšterskeje cyrkwyje w Pančicach-Kukowje. Zaklinča „Różowcowe sonaty“ Heinricha Ignaza Franza Bibera.

## Zhromadny dzeń za 3.a 4. lětnik

Šulerki a šulerjo 3. a 4. lětnika su sobotu, 9. apryla, wot 9.00 do 15.00 hodź. na kubłanski dzeń do Don Boskoweho domu we Worklecach přeprošeni. Zajimcy njech prošu hač do wutory, 5. apryla, we Worklecach přizjewja, telefonowe čisło (03 57 96) 887 07)

## Nyšpor z požohnowanjom motorskich

Popódnjo z požohnowanjom motorskich zahaji so njedźelu, 8. meje, w 14 hodź. z nyšporom w Ralbičanskej cyrkwi. Po nim požohnuja so motorske. Přizamknje so wulět.

## Šolowe dny za mjezyprogram na dnju zbóžnoprajenja

Probowe lěhwo džěcaceho chóra, kotryž wuhotuje sobu mjezyprogram swjatočneho zbóžnoprajenja kapłana Alojsa Andrickeho w Drježdźanach, je w jutrownym tydženju wot wutory do pjatka, 26. do 29. apryla, w Smochćicach. Wšitke džěći našich serbskich šolow kaž tež džěći, kotrež rady spěwaja, su wutrobnje přeprošene. Za wudawki proboweho lěhwa zběra so wot kóždeho wobdźělnika přinošk we wysokosci 50 eurow, druhe džěćo swójby pak płáči jenož 35 eurow. Zajimcy njech so hač do wutory, 29. měrca, pod telefonowym čisłom (03 57 96) 8 87 07 we Worklecach přizjewja.

## Za putniskej jězbje hišće městna swobodne

Za slědowacej putniskej jězbje su hišće městna swobodne: Prěnja powjedže wot wutory, 3. meje, do štwórtka, 5. meje, do Magdeburga. Wottam je wulět do Halberstadta a na Huysburg planowany. Zajimować budžetaj nas w tutych dnjach swjata Mechthild Magdeburgska a swjaty Norbert Xantenski. Druha putniska jězba budže wot štwórtka, 20. oktobra, do štwórtka, 27. oktobra, do Francoskeje. Wopytać chcemy Straßburg, Vezlay, St. Odile, Ars, Cluny a Taizé. Naš „putniski swjaty“ budže swjaty Jan Vianney, farar z Arsa. Prošu wšitkich zajimowanych wo bórzomne – to rěka hač do njedźele, 10. apryla, – telefoniske přizjewjenje pod čisłom (03 59 35) 2 04 25. T. Kubašec